

Free Digital Copy From [ServeNow](#)

*DEE ESE SE WOHUNU FA
HONHOM KRONKRON
NO HO*

Lars B. Dunberg

ServeNow 

Dee Eɛ Sɛ Wohunu Fa Honhom Kronkron No Ho

***The Basic Things You Need to Know About the Holy Spirit
(Asante Twi)***

Ɔtwerefoɔ: Lars B. Dunberg

Owuraye Tumi © 2014,2018 *ServeNow* na wɔde ma.
ServeNow nko ara na wɔma ekwan ma wɔde Owuraye Tumi
no di dwuma.

ISBN 978-1-964796-45-1

Twereɛsem a wɔafa afiri Asante Twi Nkwa Nsem™ mu,
Owuraye Tumi © 1996, 2020, Biblica Inc. na wɔde ma.
Biblica, Inc. nko ara na wɔma ekwan ma wɔde Owuraye Tumi no di dwuma.

Twereɛsem a wɔafa afiri Asante Twi Nkwa Nsem™ mu,
Owuraye Tumi © 1996, 2020, Biblica Inc. na wɔde ma.
Biblica Inc. nko ara na wɔma ekwan ma wɔde Owuraye Tumi no di dwuma wɔ
wiase afaɛnan nyinaa.

ServeNow na ɔtintimuiɛ
1817 Austin Bluffs Parkway #110
Colorado Springs, CO 80918, USA

Dee Eɛe Sɛ Wohunu Fa Honhom Kronkron No Ho

Nnianimu

Dee woahunu wɔ wo Kristo mu anammɔntuo mu no ara ye ma wo anaase, wope sɛ wohunu bi ka ho? W’ani gye wo ne Onyankopɔn ntam abusuabɔ no ho yie anaa? Onyankopɔn tumi a ewɔ w’abrabɔ mu no dɔɔso ma wo anaa? Anaase woreka nsem a edidi soɔ yi:

“Mennye nni sɛ bebreɛ wɔ ho.”

“Mennye nni sɛ metumi ama me mpaebɔ asɔ ani yie anaase metumi ama me mpaebɔ mu aye den pa ara wɔ akokoɔduro so.”

“Enti Awurade ho na medi kan dwene wɔ m’abrabɔ mu?”

Yenim sɛ, Akristofoɔ dodoɔ no ara na wɔnni anigyee amapa wɔ wɔn asetena mu. Wo dee, bisa wɔn hwɛ. Wɔhwehwɛ asomdwoee ne asetena pa a emu dɔ na ɛsɔ ani sene wɔne Onyankopɔn ntam nkitahodie a enni mu no a akɔye kasa tenten ne ɔhaw a ɔgyee biara nni mu no.

Eɛe sɛ yema yen ani kɔ gyidie ho wɔ yen abrabɔ mu yie sene asafo nhyiamu ahodoɔ, Twere Kronkron no sua, ɔsom bi mu nsemfua ahodoɔ a yehye da we gu yen tiri mu, ne eberɛ-ano-berɛ-ano mpaebɔ. Ampa ara, Onyame Honhom nwanwasoɔ no pɛ sɛ ɔye nneema pii wɔ yen nipadua mu sene dee ɛrekɔ so seesei no! Etwa ahodoɔ bi wɔ yen ho a ɔpɛ sɛ ɔpopa firi yen ho. Yete

nneema ahodoḡ bi a ensisi so yie wḡ yen nipadua mu a ḡpe se ḡhwe ma biribiara sisi so kamakama. Ahintasem ahodoḡ bi nso wḡ hḡ ḡpe se ḡda no adi kyere yen.

Efesofḡ 5:15-18 ka ekwan foforo a yeḡetumi afa wḡ abḡ yen bra ho asem. *Enti, monhwe mo akwan yie, enye se wḡn a wḡnnim nyansa, na mmom se wḡn a wḡnim nyansa. Monye mo akwannya biara so adee, efiri se, nna yi ye nna bḡne. Monnye adwenem herefoḡ, na mmom monte Awurade apedee ase. Monnnom nsḡ mmmoro na amfa mo ankḡ ahohwiebḡ mu. Na mmom, momma Honhom no nhye mo ma...*

Nsanom ne Honhom Kronkron tumi no ye nneema mmieniu a wḡn ho ye den na edi asie wḡ yen nipadua mu: nsaden no wḡ yen mogya mu enna Honhom Kronkron no nso wḡ yen akoma mu. Nsanom mmorosḡ tumi sesa subanpa ma nsanomfoḡ suban tumi sesa beye te se, sebe, aboa dee enna Honhom Kronkron no ma Okristoni da subanpa adi na enam so ma ḡsesa beye te se Kristo.

Enti, se ahonhom bi di yen abrabḡ so ne se Onyame Honhom Kronkron di yen abrabḡ so ye nneema mmieniu a ebḡ abira koraa efiri se, baako ma yeye te se, sebe, mmoa enna baako nso ma yeye te se Kristo.

Hwan ne Honhom Kronkron no?

Enne mmere yi mu no, Akristofḡ bebree na wḡsusu se Yesu a ḡye Ḍba no ne Onyame Agya no ye nnipa baanu a wḡye sononko koraa wḡ Onyame mu.

Enam yei so ama wḡnhunu sedee Honhom Kronkron no s tee. Sedee etee firi tete nteredee no, nnipa bebree hunu se Honhom Kronkron ye adee bi na mmom enye onipa. Nokwasem a ewom ne se, Honhom Kronkron

no nye tumi a efiri osaman bi ho anaase eye osaman bi na mmom, aka Baasafua Kronkron — Onyame Agya, Onyame Oba ne Onyame Honhom Kronkron no ho.

Sedee yeahye ase rehunu Honhom Kronkron no nipaban yi, yebere se yene no bebɔ abusua sedee yene Agya no anaa Oba no bɔ abusua no.

Nneema a eɗa adi wɔ Honhom Kronkron ho no bi nie

Honhom Kronkron no wɔ adwene a ɔde te nsem ase. *Na yen na Onyankopɔn nam ne Honhom Kronkron no so ada n'ahintasem yi adi akyere yen. Honhom no pɛpɛɛ biribiara mu kɔsi Onyankopɔn ahintasem a emu dɔ no so* (1 Korintofoɔ 2:10).

Honhom Kronkron no wɔ nimdee. *Onipa dee, ɔno ara ne honhom a ete ne mu no na enim ne ho nsem nyinaa; saa ara nso na Onyankopɔn Honhom no nko ara na enim Onyankopɔn ho nsem nyinaa* (1 Korintofoɔ 2:11).

Honhom Kronkron no wɔ nkatedee. *Monnhye Onyankopɔn Honhom Kronkron a wɔnam so asɔ mo ano ama ɔgyee da no were* (Efesofoɔ 4:30).

Honhom Kronkron no si gyinaee. *Esiane se Honhom Kronkron amma wɔn ekwan se wɔnka asem no wɔ Asia no enti, wɔkɔ Frigia ne Galatia* (Asomafoɔ 16:6).

Honhom Kronkron no wɔ adwene da ne tirim. *Onyankopɔn a ɔhunu nnipa akoma mu no nim Honhom no nsusuie, efiri se, Honhom no nam Onyankopɔn pe so di ma Onyankopɔn mma wɔ n'anim* (Romafoɔ 8:27).

Honhom Kronkron no wɔ n'apedee. *Eye Honhom Kronkron korɔ no ara na ɔye yeinom nyinaa; akyedee ahodoɔ a ɔpe se ɔde ma obiara no, ɔde ma no* (1 Korintofoɔ 12:11).

Honhom Kronkron no di akotene wə Tweresem mu

Sede Apam Dada no si ka Honhom Kronkron no ho asem kyerekyere mu wə kratafa a edi ekan hə no ma eda adi pefee se, Twere Kronkron mu abakosem fa kese no ara gyina Honhom Kronkron no so: *Ahyeese no Onyankopon bəw osoro ne asase. Na asase ye sakasaka ne hunu. Na esum kata nsubunu no ani. Na Onyankopon honhom butu nsuo no ani* (Gyenesis 1:1-2).

Asem no ne Honhom no

Enne mmere yi no, akoye se ekuo ahodo mmienu na ewo Asafo no mu. Akuo no mu baako botae gyina Asem no so enna emu baako nso botae gyina Honhom Kronkron no so.

Ekuo baako hunu Asem no nko ara na wogye di se, se wosua a, ebema wahunu nokore no nyinaa. Saa ekuo yi gye di se, nokore no rennya nsunsuanso kese biara wə nkatede a ekuo foforo no nya de kasa fa Honhom Kronkron no nnwuma ho no so.

Won a wokasa fa Honhom Kronkron no nnwuma ho no, eduru bere bi a, yehunu won se wako tebea bi a ehia honhom mu nkyerekyeremu a edi adanse se, bere bi wə hə a, won nneye no ne Tweresem no bo abira. Wokyer se, saa nneye a woda no adi no ye Onyame Honhom na ema woye saa.

Adapaatwa ne nkyerekyere bone a eda adi wə ekuo yi mu nnipa ho nti no, nnipa bebre a wowa “Ekuo a wosua Asem no” mu no ka se, “Memp se Honhom Kronkron no beba me so koraa. Asem no nko ara na mesua!”

Nanso, ese se yehunu se, se asafo biara betumi aye asafo amapa a, ese se saa asafo no mu nnipa nya

Asem no ne Honhom Kronkron no mmienu nyinaa bi esiane se, eye Honhom Kronkron no na ede Asem no maa yen: *Yeinom nyinaa akyi no, monkae saa asem yi. Obiara nni ho a onam n'ankasa so betumi akyere Atweresem mu nkomhye ase. Na nkomhye biara mfiri onipa pe mu, na mmom, Honhom Kronkron tumi mu na nnipa ka asem a efiri Onyankopon* (2 Petro 1:20-21).

Eye Honhom Kronkron korɔ no ara home mu na Tweresem no firi baee: *Atweresem nyinaa firi Onyankopon home mu, na eye ma nkyerekyere, atenyie, atenetene ne tenene mu yen* (2 Timoteo 3:16).

Paul ka kyeree Timoteo se onka Asem no na enye se obenya tumi nko ara anaase tumi nko ara behye no ma. *Ka asem no, na eberɛ biara gyina ne ka mu dendɛn yi atɛn. Ka anim, tu fo na kyerekyere boasetɔ mu* (2 Timoteo 4:2).

Wontumi mma Asem no ne Honhom no ne wɔn-ho-wɔn-ho nni asie. Se Honhom no tumi nni ho a, yerentumi nya nkanyan ne nsakraee wɔ yen abrabɔ mu enna se Asem no nso nni ho a, yerentumi nkyere dee efiri Onyankopon ne dee eye atorofosem. Honhom no ne Asem no ye koro a ense se yetete wɔn ntam da-bi-da-biara-da! Ebeye den na obi atumi ama Onyankopon Asem atena ne mu wɔ eberɛ a Honhom Kronkron nte ne mu?

Ese se yema wɔn a wɔka Honhom Kronkron ho asem no kae se, ese se wɔn nsem a wɔka no nyinaa nya nnyinasoɔ a efiri Tweresem no mu; Honhom no ano remfom wɔ Asem no ho da.

Yesu bɔɔ Farisifoɔ a na wɔhwehwe mmara ho kra-
taa na mmom wɔhwehwe mmara no honhom akyiri
kwan no kɔkɔ: *Mosua Atweresem no efiri se, mogye di se*

eno na ebema mo anya nkwa a enni awiee. Nanso, saa Atweresem koro no ara di me ho adanse (Yohane 5:39)!

Paul ka no wo Romafo 8:9 se: Se Onyankopon Honhom te mo mu a, enye honam mmereye na edi mo wo. Na se obi nni Kristo Honhom a, enye Kristo dea.

Tweresem no de mfonihodoo gyina ho ma Honhom Kronkron no

Mfoni bebre na ewo Tweresem no mu a egyina ho ma Honhom Kronkron no. Saa mfonihodi yi mu bi ne:

Aburuburo

Ebere a wobo Yesu asu wo Asubonten Jordan mu no, Honhom Kronkron no danee ne ho aburuburo besii ne so. Enne bi firi soro teaa mu se, *Yei ne me do ba no ... Nkyekyemu koro pe mu no, yehunu Baasafua no: Agya, Oba ne Honhom Kronkron no.*

Nsuo a etene

Adiyifo a wowa Apam Dada mu no kasa faa hwie a Onyankopon hwie ne Honhom guie te se “nsuo a etene de guu won a sukom de won so” no ho. Yei ka ebo a emu pae maa nsuo bebre firi mu bae wo asase pesee so anwanwasem no ho asem. Yei ho asem na na Yesu reka wo bere a oteaa mu se: *Afahye no da a edi akyire a eye da titire no, Yesu sore gyinaa ho kasaa dendan se, “Obiara a osukom de no no mmra me nkyen mmenom nsuo. Na Atweresem no ka se, ‘Obiara a ogye me di no, nsuo a ema nkwa betene afiri ne mu.’ ”* Yesu kaa saa asem yi faa Honhom Kronkron a won a wogyee no diie no nsa beka no ho. Saa eber no, na onnya mfaa Honhom Kronkron no mmaa won, efiri se,

na wɔnnya mmaa ne so nkɔɔ ɔsoro, nhyee no animu-onyam (Yohane 7:37-39).

Ɛbere a Yesu kaa saa bɔhye nwanwasoɔ yi ho asem kyeree nnipakuo no, na ɔka nnipa bi ho a wɔredi afahye wɔ Jerusalem. Saa nnawɔtwe baako a na wɔde reye saa honhom mu dwumadie no, nnipa kaakae wɔn-ho-wɔn-ho bere a ɛboɔ no pae maa nsuo firi mu bae no ho. Deɛ wɔye de kae yei ne se, wɔsoaa nsuo kɔɔ kuro no mu kɔhwie guu afɔrepono no so a bere korɔ no ara mu na wɔreka nsem firi Apam Dada no mu: *Wode anigyee besa nsuo afiri nkwayee nsubura mu* (Yesaia 12:3). Mpofirem na Yesu sɔre gyinaa hɔ, de ne nsa teneɛ n'ankasa ne ho so kaa se, ɔno ara ne ɛboɔ a epae no, *Ɔkaa yei faa Honhom no ho*.

Ɛnne yi, Yesu ka N'agya ho wɔ ɔsoro ahemman mu na ɔbetumi de nsuo a yehia biara afa ne Honhom no so ama yede akum yen sukɔm. Ɔno ne nsuo a eye a na ɛto gu yen so a emma sukɔm nne yen ne wɔn a wɔka yen ho no nso no.

Ogya

Pentekoste Da no, ogya a ɛte se tekyerema a emu apaapae firii soro basisii asuafoɔ a na wɔatwa ahyia wɔ beae baako rebɔ mpae no mu biara tiri so. Onyankopɔn nam ogya no so na ɛdaa ne ho adi wɔ wɔn mu. *Honhom Kronkron no hyee wɔn nyinaa ma, na wɔkaa kasa foforoɔ, sɛdeɛ Honhom no maa wɔn ho kwan* (Asomafoɔ 2:4).

Ogya ma ɛhann ba ɛdan a esum wɔ mu mu; eho-horo, ɛhye na ɛma tumi ne nkanyan. Onyankopɔn Honhom ogya no hye ntete a ɛwɔ yen abrabɔ mu na esan nso te yen ho, ɛdere wɔ yen nipadua mu, esan nso

ne afoforɔ kyɛ Onyankopɔn nkanyan no na afei, ɛde ehan ato ne nokoredie so wɔ yen akoma mu.

Mframa

Wɔka sɛ Honhom Kronkron no ye mframa. Twere Kronkron mu nsem a ɛgyina hɔ ma honhom no kyere sɛ, ɛte sɛ mframa a yede hu baaloo, ɛte sɛ mframa a yede dum kyenere anaase ɛte sɛ mframa a yehome den wɔ bere a woatu mmirika abre no. Nsem no nso kyere sɛ, Honhom Kronkron no te sɛ mframa a yerehu a ahyeasee no, wonhunu no papa nanso ɛrekɔ anim no na ano reye den a ɛbeduru baabi no na afei deɛ, ɛrebubu nneɛma gu – a yei da tumi nwanwasoɔ adi. Honhom Kronkron no dwumadie ye adwuma wɔ tebea mmieniu yi mu ɛna emu dodoo no nso wɔ ntam. Honhom Kronkron no ye Onyankopɔn tumi a ɛte nnipa mu.

Ɛsɛ sɛ yebre yen ho ase ma Honhom Kronkron, yen Awurade no, ma ɔnwono yen foforo te sɛ Kristo a ɔwɔ ɔdo, ne ho tee, ɔwɔ ahobreaseɛ na ɔsan nso wɔ tema ma nnipa nyinaa no.

Odiyifoɔ Hesekiel Nwoma a ɛwɔ Apam Dada mu no, ti aduasa nson (37) no kasa fa bonhwa bi a nnompe a ɛho akokwa aye mu ma ho. Odiyifoɔ no hyɛɛ nkɔm maa nnompe ka boɔ mu nanso na nkwa nni nnompe no mu. Onyankopɔn home baɛɛ bɛmaa nnompe no nkwa. Afei, Awurade ka kyereɛ Odiyifoɔ no sɛ, *Mede me Honhom behye mo mu na mobenya nkwa ...* (Hesekiel 37:14).

Sɛ Yesu ka abrabɔ foforo a ɛwɔ yen mu ho asem a, na eye mframa ho asem na ɔreka, ahofadie ho senkyerennee a obi ntumi nkyere no; mframa a yesi no kwan pɛ a, yebewu no. Yesu ka kyereɛ Nicodemus a ɔbaa ne nkyen anadwo no sɛ, *Sedee wote mframa nka,*

nanso wontumi nkyere faako a efiri ba ne faako a ebɔ kɔ no, saa ara na Honhom mu awɔɔ no nso te (Yohane 3:8).

Ngo

Ngo ye senkyerennee foforo a egyina ho ma Honhom Kronkron no na ema yedwene ayaresa, ahofama ne osom mu ahoboaboa ho. Wɔnam Honhom Kronkron no so de adwuma kronkron ahye yen nsa a ekyere yen se, yenyɛ kronkron mma Awurade.

Nsɔano

Honhom Kronkron no te se nsɔano a ekyere odedeɛ. Honhom Kronkron no adansedie a ete yen mu no si so dua se, yeye Awurade dea. *Saa ara na ete wɔ mo ho nso. Eberɛ a mote nokwasem a eye Asempa a emaa mo nkwagyee no, mogyee Kristo diie. Wɔde bɔhye Honhom Kronkron no hyee mo nso wɔ ne mu (Efesofoɔ 1:13).*

Edin ahodoɔ foforo

Edin ahodoɔ foforo a wɔde fre Honhom Kronkron no mu kakra bi na edidi soɔ yi: Odo Honhom, Tumi Honhom, Honhom Kronkron, Nokore Honhom, Animuonyam Honhom, Oboafɔɔ, Adom Honhom enna Mpaebɔ Honhom.

Edeɛn na Honhom Kronkron no ye?

Honhom Kronkron no adwuma ne atemmuo

Honhom Kronkron no adwuma ne se obeye nhwehwemu wɔ bone ne papa ho na ode eho atemmuo ato dwa. 1 Yohane 3:4 ka se, bone ne se woannuru susudeɛ bi ho. Se wode susudeɛ bi si w'ani so de so wo ho hwe, na se eka basafa fa, basafa koro anaase

kwansin fa ansa na woaduru saa susudee no ho koraa a, ne nyinaa mu biara kyere se, woannuru wo susudee no ho. Enye yen bone dodoo ho na wohwe bu yen aten na mmom, yen papa dodoo a yeantumi annye ho na wohwe bu yen aten. Se bone ne se woannuru susudee ho dee a, enne na bone no nye nnyinasosem a eye nokore no na mmom, susudee no na eye nnyinasosem a eye nokore no.

Honhom Kronkron no buu nnipa bi a na woretie Yesu nkyerekyere bi aten maa wohunuu se, wommen susudee no ho koraa. *Mose mmara no ka se, Dee odi awuo no, ono nso ese se wakum no bi. Na me dee, dee meraka ne se, obiara a ne bo befu ne nua no, wabebu no aten. Bio, obiara a obedi ne nua atem no, wabefre no mpanin anim. Afei, obiara a obeka akyerere ne nua se, Ogyimfo no, obeka amanehunu ogya mu* (Mateo 5:21-22)! *Mose mmara no ka se, Nsee awadee. Na me dee, dee meraka ne se: Obiara a ohunu obaa na ne kon do no n'akoma mu no, abo adwaman* (Mateo 5:27-28).

Yei ne asempa no anaa? Na eye den ma yen yie se yebetumi ahye yen ho so! Seesei dee, yentumi mpo nwwene ho!

Enkosi se yebegye atom se, yerentumi nye sedee Onyankopon pe se anka yeye no, yedaadaa yen ho kwa. Onam Honhom Kronkron no so na obeka yen bone ne ne tenenee ho asem kyere yen.

Hesekiel Nwoma no kyere se, *Na mede me Honhom behye wo mu na mama woadi m'ahyede so na woahwe adi me mmara so* (Hesekiel 36:27).

Adee a na eye ohye wo apam dada mu no beyee bohye wo apam foforo no mu. Yesu nye yen okyerekyerefo

anaa yen ahonhomsem mu ofotufos keke na mmom, oye yen nkwa.

Enti, afobuo nni ho ma won a wowa Kristo Yesu mu, efiri se Honhom Kronkron no ama mo nkwa a efiri Kristo Yesu nkyen, na agye mo afiri mmara a ede owuo ba ... (Romafoos 8:1-2).

Adee a mmara no ntumi nye no, Onyankopon ye. *Yen a nkatanimu biara nkata yen anim no, Awurade animuonyam hyeren yen anim, na Awurade Honhom no sakra yen ko n'animuonyam mu (2 Korintofoos 3:18).*

Honhom Kronkron no adwuma ne se obekora agyidifo no

Tete mmere no mu, na wotua eka bi a, na adwumakuo koroo no a wotuaa sika maa no no de ne setampo si krataa a na woka no wo soo no so. Na setampo no kyere se, "woatua wo ka no nyinaa." Afei, na wote sika dodoo a wotuaee no ho dwaha ama wo. Honhom Kronkron no ne yen setampo ne yen dwaha.

Honhom Kronkron no ma yehunu se, yeeye Onyankopon dea. *Saa ara na ete wo mo ho nso. Ebere a motee nokwasem a eye Asempa a emaa mo nkwayee no, moyee Kristo diie. Wade b'hye Honhom Kronkron no hyee mo nso wo ne mu (Efesofos 1:13).*

Ewiase nyinaa eko a etoo so mmienu mu no, ntokwa a na ani ye nyan ahodoo bebree na ekoo so wo mmeaee ahodoo. Mpen pii no, na akofoo no pe se woye nsamsoo akesee. Na wotwa asuo ko n'agya koko gye nsase sedee ebeye a akofoo no mu mfididwumayefoo a wowa won afa no betumi aye nsamsoo ama akofoo no bebree abeka won ho. Akra bebree na ehweree won nkwa enna yehweree ahodennee a yenya firi ogya mu nso

bebree. Kristo aye nsamsɔ akeseɛ wɔ yen abrabɔ mu. Yei ansi wɔ ahogono so. Ɖde ne nkwa too hɔ maa yen wɔ Calvary bepɔ no so, ɔwu maa yen de soaa yen bɔne wɔ n'abatiri so. Afei, Honhom Kronkron no de ogya ɔ Kristo dwumadie yi ho adanseɛ wɔ Pentekoste Da no. Ɖde ne mogya ne ogya na atɔ yen.

Honhom Kronkron no adwuma ne se ɔbekyerɛkyerɛ yen biribiara

Honhom Kronkron no a ɔne ɔboafɔ a Agya no besoma no me din mu no, bekyerɛkyerɛ mo biribiara, na wakaa-kae mo biribiara a maka akyerɛ mo no (Yohane 14:26).

Enti biribiara na wonim anaa? Dabi. Nanso, Honhom Kronkron no deɛ, ɔnim biribiara enna ɔsan nso ye Yesu mu onimdefɔ. Ɖba yen nkyen sɛdeɛ ebeye a Yesu animuonyam beda adi.

Honhom Kronkron no adwuma ne se ɔbekaakae yen nsem a Yesu aka akyerɛ yen no nyinaa

Asem ben na Yesu aka akyerɛ yen? Ɖka kyerɛɛ yen se, yennɔ N'agya na yennodɔ yen-ho-yen-ho. Ɖdaa ne do a ɔwɔ ma afoforɔ no adi pefee maa nnipa nyinaa hunuie senti ne se, eberɛ a na ɔrewu wɔ Calvary bepɔ no soɔ no mpo, na akorɔmfɔ bi ka ne ho.

Honhom Kronkron no adwuma ne se ɔbeyɛ Ɖwerekyekyefɔ, Ɖboafɔ ne Ɖmafɔ

Ɖduru eberɛ bi a, eye a na yenhunu baabi a yenkɔpe mmoa. Na se eba no saa a, ema yen haw no mu ye den, ema yen asodie no mu ye duru ma yen na se eba no saa a, ema yene honhom no ntam te. Se yekɔ saa tebea yi mu a, Honhom Kronkron no wɔ hɔ se ɔbekyekye yen

were, obsoa yen na wama yen honhom mu tumi fofo de agyina ohaw no ano.

Honhom Kronkron no ye akyedee kasee a efiri Yesu ho

Ansa na worebebo Yesu asennua mu no, Yesu hyee n'asuafoɔ no bo akesee bi. *Mebisa Agya no na wama mo oboafɔɔ foforo a one Honhom Kronkron no a oda Onyankopɔn nokore nyinaa adi no na one mo atena daa. Ewiasere rentumi nnye no, efiri se, wɔnhunu no, na wɔnnim no. Nanso, mo dee, monim no, efiri se, one mo na ete* (Yohane 14:16-17).

Nanso, meka nokore kyere mo; eye ma mo se meko, efiri se, se manko a, oboafɔɔ no remma mo nkyen (Yohane 16:7).

Na enye adee a eye asuafoɔ no dea na mmom, na Oboafɔɔ no ye akyedee a Yesu de maa n'asuafoɔ no. Enne yi, wode saa akyedee korɔ no ara ma yen kwa. Tweresem no nso hye yen se, *ese se Honhom Kronkron no hye yen ma*. Se anka na ohye no nye adee a yebetumi adi soɔ a, enne na anka one yen anni no yie.

Aden nti na eye den ma yen se yebeduru ho?

Osom mu animdefɔɔ binom kyere se, Honhom Kronkron no dwumadie kopem baabi. Na wokyeremu se, eberɛ a Tweresem Mmara no baa ewiasere no, na enhia se ono nso wo ho bi wo saa kwan no ara so bi. Tweresem no mu baabiara nni ho a wobehunu se wɔaka se, eberɛ bi a atwam no, na Honhom Kronkron kopem baabi anaase, n'ahooden anaa ne tumi nnuru beaɛ bi. Obaako no ara a ohyee akyidifoɔ ekuo ketewa bi a na wɔnni awerɛhyemu no bo se obema wɔn

osorosoro ahoden foforo no aye krado se, obedi ne bohye no so wo yen mu enne da yi ara.

Eduru bere bi a, eye a na yesuro adee bi a yenhu-nuie. Yempe se yegyae adee bi a yekura mu mu. Yewo honhom mu suban bi se, yerennye adee bi a yente ase anaase mmara bi a yempe se yebedi soo tom. Ete se woahunu adee bi a eye fe wo sotoo mu nanso wonnim ne boo. Eye a na yeye na yepere yen ho se yebetoo saa adee no kosi se yebehunu dekodee no boo a eda so ama yeahunu se yebetumi ato anaase yerentumi nto. Sedee yen mu binom hunu nnipa binom se Honhom Kronkron aye won ma a, yeka se, “Eye PAPA, Awurade, wo na wohwiee wo Honhom guu won so, nanso mesre wo ... enye me mmammarima ne mmammaa yi so!”

Eye den se Honhom Kronkron bedi dwuma wo yen abraboo mu wo bere a yenkokaa yen bone nkyeree no. Mmom, momma yenka: eye den se yebeka yen bone!

Mpo, se yeka a, yetaa gyigya bi wom, yeye ahomasoo wo yen boneka mu enna yensan nso mpaee mu nka no kese, yeka nsem no te se dee yesuro se yebekasa ama aboro dee ese se yeka so. Emfiri akoma mu na eba na mmom efiri adwewewoo mu na eba.

Se yeye obi bone a, yeye dee yebetumi biara sedee ebeye a ntokwa mma nanso se ekoba se, ese se yeka yen bone dee a, mpen pii no, ekowie te se dwumadie a eye dendeenden bi no, te se dee woaka akyere akwadaa bi se omfa bone nkye na orenwiinwii no, te se rebisa wo se, “Afei dee, wo bo ato wo yam?” Nanso, Onyankopon dee, ne nto ne yam. Ope se ne Honhom Kronkron tumi no fa yen dommum. Ope se yebre yen ho ase wo n’anim na mmom enye ahomasoo. *Na*

obiara a ama ne ho so no, wɔbɛbrɛ no ase, na deɛ ɔbrɛ ne ho ase no, wɔbɛma no so (Luka 14:11).

Se yɛdwennwene nneɛma nyinaa ho na se yeƳi nneɛma a efa n'ahemman mu no ho firi mu a, ebeƳe den ama Onyankopɔn se ɔbenya beaɛɛ papa bi wɔ yen akoma mu. Eberɛ a ete saa mu na ese se, yesre no se “ɔntɔ osuo foforɔ ngu yen so.”

Se Honhom Kronkron no reyɛ adwuma wɔ yen mu a, edeen na eɗa adi?

Se yɛma yen ho kwan ma Honhom Kronkron no ye adwuma wɔ yen mu a, enti yen abrabɔ bekɔ so aye sedee etee yi ara anaa? Dabi! Se yɛma yen ho kwan ma Honhom Kronkron no ye adwuma wɔ yen mu a, nneɛma a yebehunu wɔ yen abrabɔ mu no bi na eɗidi soɔ yi:

Honhom Kronkron no aba bɛma yeaye abɔdeɛ foforɔ

Honhom Kronkron ma sedee Yesu su si tee pɛpɛpɛ da adi wɔ yen mu. Edeen ne Honhom Kronkron no aba? Kenkan sedee Honhom Kronkron no aba si tee pɔtee ho asem wɔ Galatifoɔ 5:22-25, na hunu sedee saa su ahodoɔ yi ne Yesu Kristo se. *Na Honhom no aba ne ɔɔ, anigyee, asomdwoee, abodwokyeree, ayamye, papaye, gyidie, ɔdwoɔ ne ahohyesoɔ. Mmara biara nni ho a etia yeinom. Na won a wɔye Kristo dea no abɔ won nipasu no ne honam akɔnnɔ asennua mu. Se yete Honhom mu yi, momma yennante Honhom mu.*

Honhom Kronkron no aba bɛma yen so aba mfasoɔ

Honhom Kronkron no ahyɛ bɔ se ɔde adom akyedee bɛma yen wɔ yen Kristosom mu. Edeen ne saa adom

akyedeē yi? Wɔaka no wɔ akenkansēm ahodoɔ enan mu wɔ Twere Kronkron no mu. Enonom nie:

Yen akyedeē ahodoɔ sɛdeē wɔde adom yen no. Sɛ obi akyedeē ye nkɔmhye a, ma ɔnnyina ne gyidie wɔ mfa nye adwuma. Sɛ eye ɔsom a, ma ɔnsom; Sɛ eye nkyerɛkyerɛ a, ma ɔnkyerɛkyerɛ; Sɛ esɛ sɛ yehye afoforɔ nkuran a, esɛ sɛ yeye saa; sɛ eye mmoa a ɔde boa afoforɔ a, ma ɔmfiri akoma pa mu nye; sɛ eye akwankyerɛ a, ma no mfa nsi nye; sɛ eye ayamye a, ma ɔmfa anigyeē nye (Romafoɔ 12:6-8).

Ɛwom sɛ Honhom Kronkron no ara na ɛkye akyedeē no, nanso saa akyedeē no gu ahodoɔ. Akwan ahodoɔ bebreē wɔ hɔ a wɔfa so som, nanso Awurade korɔ no ara na wɔsom no. Tumi ahodoɔ bebreē wɔ hɔ a wɔnam so som, nanso Onyankopɔn korɔ no ara na ɔma obi-ara tumi ma wɔde som.

Honhom Kronkron no nam yen mmaako mmaako so da ne ho adi ɛkwan bi so ma ɛboa yen nyinaa. Honhom Kronkron no ma obi nyansa na Honhom Kronkron no ara nso ama obi osuahunu. Saa Honhom Kronkron no ara ma obi gyidie na ɔma obi nso tumi a ɔde sa nyarewa. Honhom Kronkron no ma obi tumi ma ɔye anwanwade; obi nso, ɔma no tumi ma ɔka Onyankopɔn asem; na. ɔfoforɔ nso ɔma no tumi ma ɔtumi kyere nsonsonoeē a ɛda akyedeē a ɛfiri Honhom Kronkron no ne deē ɛmfiri Honhom Kronkron no mu. Honhom Kronkron no ma obi tumi ma ɔka kasa foforɔ na ɔma ɔfoforɔ nso tumi ma ɔkyerɛ kasa foforɔ no ase. Eye Honhom Kronkron korɔ no ara na ɔye yeinom nyinaa; akyedeē ahodoɔ a ɔpɛ sɛ ɔde ma obiara no, ɔde ma no.

Onyankopɔn ahyehye biribiara pɛpɛpɛ, wɔ asafɔ no mu: Dee edi ekan, asomafɔ; dee etɔ so mmienu, adiyifɔ; dee etɔ so mmiensa, akyerekyerɛfɔ; afei wɔn a wɔye anwanwadee enna wɔn a wɔama wɔn tumi de sa yadee anaa wɔboa afɔforɔ anaa wɔkyere wɔn ekwan anaa wɔka kasa fɔforɔ. Wɔn nyinaa nye asomafɔ anaa adiyifɔ anaa akyerekyerɛfɔ. Enye wɔn nyinaa na wɔwɔ tumi a wɔde ye anwanwadee anaa wɔsa nyarewa, anaa wɔka kasa fɔforɔ anaa wɔkyere dee wɔka no ase. Monhwehwe akyedee a ebeboa mo yie akyiri kwan (1 Korintofoɔ 12:4-11, 28-31).

Yen mu biara wɔ adom bi sedee Kristo akye ama yen. Yei enti na Atweresem no ka se, Eberɛ a ɔforo kɔɔ ɔsoro no, ɔfaa nneɔduafɔ kaa ne ho; na ɔmaa nnipa akyedee. Afei se “ɔkɔɔ ɔsoro” no nkyerɛasee ne sen? Asee kyere se, dee edi ekan no, ɔkɔɔ fam, asase ase pɛɛ. Enti dee ɔkɔɔ fam no ara na ɔkɔɔ ɔsoro a eboro ewiem nyinaa so, sedee ɔbehye abɔdee nyinaa ma. Ono na ɔmaa ebinom yee asomafɔ, afɔforɔ yee adiyifɔ, afɔforɔ yee asempakafɔ, na afɔforɔ nso yee asɔfɔ ne akyerekyerɛfɔ. Dyee yei de siesiee Onyankopɔn nkurɔfɔ nyinaa maa ɔsom nnwuma, sedee Kristo onipadua no nyini beko so kɔsi se yen nyinaa benya gyidie baako ne Onyankopɔn Ba no ho nimdee baako, na yeawie nyini wɔ Kristo maye mu (Efesofɔ 4:7-13).

Honhom mu adom a obiara anya no, ɔnnyina so mfa nsom afɔforɔ (1 Petro 4:10).

Wɔaka no 1 Korintofoɔ 12 se, Honhom Kronkron no de honhom mu akyedee ma Onyankopɔn mma “wɔn yiedie nti.” Nkyekyemu 11 no ka se, Onyankopɔn na ɔkyere nnipa a wɔfata se wɔnya adom akyedee no. Efesofɔ 4:12 ka se, wɔde saa adom akyedee yi

ma Onyame nnipa de siesie wɔn ma ɔsom enna afei nso, wɔde pagya Kristo din no. Ewom se, obiara nko ne sɛdeɛ ɔsi hunu wɔn dodoɔ, Onyankopɔn asem kyerekyere honhom akyedeɛ ahodoɔ no pefee.

Ɛda hɔ pefee se, sɛdeɛ Yesu kasa faa asomfoɔ a wɔnyaa nnwetɛbena enum, nnwetɛbena mmieniu anaa dwetɛbena baako se wɔmfɔ nkɔhye adwuma bi mu mma mfasoɔ mmra so ho no, Onyankopɔn nso rekyekye akyedeɛ ama yen nyinaa wɔ ekwan biara a ɔpe so. *Sedeɛ yen mu biara wɔ onipadua a eho akwaa ye bebree no, na saa akwaa yi mu biara wɔ dwuma a edi no, saa ara na Kristo mu no yen a yeɛ bebree no ye onipadua baako, na akwaa biara ye akwaa no nyinaa dea. Yewɔ akyedeɛ ahodoɔ sɛdeɛ wɔde adom yen no* (Romafoɔ 12:4-6a).

Wɔde yen beye adwuma wɔ akwan ahodoɔ so ama yeaka nsempa no wɔ mmɔnten sofoɔ ne asafomma no nyinaa mu. Hunu se, baabiara a Honhon Kronkron no dii dwuma wɔ Asomafoɔ Nwoma no mu no, na akyedeɛ ahodoɔ na ɛredi dwuma.

Honhom Kronkron no bema yen ahobreaseɛ de asom Onyankopɔn animuonyam

Se Honhom no ye adwuma a, ema nnipa som Agya no, Ɔba no ne Honhom Kronkron no. Honhom no dwumadie a na edi kan wɔ Pentekoste Da no ne se ebekanyan ayeyie. Sɛdeɛ Honhom no da Onyankopɔn animuonyam adi no, saa ara nso na ɛde ahobreaseɛ amapa ɛba.

Yebetumi de tɔre a ɔsomafoɔ Yohane tɔree mum te sɛdeɛ wawuo na Yesu anim fefe kronkron no gyee ne tumi nyinaa no ayɛ yei ho mfatoho.

Da biara, Honhom Kronkron no bekanyan yen anigyeɛ wɔ Onyankopɔn mu

Kasasin ahodoɔ a wɔtaa ka wɔ Adiyisem Nwoma mu no mu bebree na ekasa fa anigyeɛ ho. Yesu ka kyereɛ asafomma a wɔwɔ Efeso no sɛ, *Nanso, deɛ mewɔ tia wo ne sɛ, wonnɔ me, sedee kan no na wodɔ me no* (Adiyisem 2:4). Enna ɔkaa no pen kyereɛ asafomma a wɔwɔ Laodicea no sɛ, *Nanso, esiane sɛ woye boturobodwo, na wonye hye na wonye nwunu enti, merebete wo sɛ ntasuo afiri m'anom* (Adiyisem 3:16).

Honhon no kasa fa ɔhaw yi mmieniu ho. Metie adansedie a nnipa a wɔasan wɔn akyi aba Yesu nkyen korakorakora no taa di no. Honhom no kanyan yen setie ne yen ahohyesoɔ.

Honhom Kronkron no de Onyankopɔn tumi ma yen

Honhom Kronkron no so aba wɔ yen mu: *Na Honhom no aba ne ɔdɔ, anigyeɛ, asomdwoeɛ, abodwokyerɛɛ, ayamye, papaye, gyidie, ɔdwoɔ ne ahohyesoɔ. Mmara biara nni hɔ a etia yeinom* (Galatifoɔ 5:22-23). Ɔsan nso hye yen bɔ sɛ ɔbema yen tumi.

Yei nye anyansasem bi kɛkɛ, na mmom, eye nokwasem amapa. Paul kyerekyere saa tumi yi mu wɔ bere a ɔtwereɛ nwoma bi faa ne nkyerekyere ho no. *Na me nkyerekyere a mekyerekyereɛ no nso manyyina anyansasem ne nnipa adwene so na mekyerekyereɛ, na mmom, menam kasa pa so daa tumi a ɛwɔ Onyankopɔn Honhom Kronkron no mu no adi* (1 Korintofɔ 2:4). Na ɔpɛ sɛ asafo ahodoɔ no hunu biribi fa saa tumi no ho. *Enti, mo gyidie nnyina onipa nyansa so, na mmom, ɛgyina Onyankopɔn tumi so* (1 Korintofɔ 2:5).

Ye te se nkukuo a wɔde agyapades asie mu. Tumi ankasa no firi Onyankopɔn na emfiri yen (2 Korintofoɔ 4:7).

Paul hyee asafomma no nkuran wɔ Efesofoɔ Nwomma no mu se, wɔmfɔ wɔn ho nto Honhom no tumi so. *Dee etwa toɔ ne se, monye den wɔ ne ne tumi kɛsee no mu (Efesofoɔ 6:10).*

Paul maa ne suani Timoteo kae se, Honhom a Onyankopɔn de ma no ano ye hye. *Ɛfiri se, Honhom a Onyankopɔn de maa yen no mma yenyɛ ahufɔɔ; na mmom, Honhom no ma yen tumi, ɔɔɔ ne ahohyɛsoɔ (2 Timoteo 1:7).*

Se Onyankopɔn Honhom no hwie gu yen so se ankorankoro a, yebehunu Onyankopɔn tumi bio.

Honhom Kronkron no boa ma yeɔ mpaee

Eduru baabi a, eye a na yenhunu dee yenka wɔ mpaebɔ mu. Onyankopɔn mpe se ɔte yen nsenhunu no anaase yen nneema ahodoɔ a yerepe de adi buronya wɔ yen mpaebɔ mu. Se ne Honhom no ba yen abrabɔ mu a, ɔboa yen ma yeɔ de ehia yen pa ara a ewɔ yen mu ho mpaee, eno ne mpaee a Onyankopɔn tumi tie. *Saa ara na Honhom no boa yen wɔ yen mmereye mu, ɛfiri se, yennim ekwan a wɔfa so bɔ mpaee sedee ese. Honhom no ankasa de apinisie de nsem a enni kabea di ma yen. Onyankopɔn a ɔhunu nnipa akoma mu no nim Honhom no nsusue, ɛfiri se, Honhom no nam Onyankopɔn pe so di ma Onyankopɔn mma wɔ n'anim (Romafoɔ 8:26-27).*

Asafo ahodoɔ a wɔma kwan ma Onyankopɔn Honhom ye wɔn kannifoɔ no hunu se, wɔn mpaebɔmmea reye mmeaee a tumi wɔ ma nsempaka ne nkyerɛkyere.

Honhom Kronkron no ma yen akokoɔduro ka Asempa no

Asuafɔɔ no a na wɔn gyidie nsi pi ansa na Pentekoste Da no reba no, wɔn nyinaa sakraa ntɛmso wɔ bere a Honhom Kronkron no de ne nsa kaa wɔn no. Peter, a na wapaw Yesu mprensa no, de tumi kaa nsempa no wɔ Pentekoste Da no. Akyire yi no, ɔgyinaa Jewfɔɔ mpanimfɔɔ atwotwowuro anim wɔ bere a na Honhom Kronkron ahye no ma kaa se,

Petro a Honhom Kronkron ahye no ma no buaa se, “Ɔman mpanimfɔɔ ne atitire. Se enne mogyina ha bisa yen ade pa a yeye maa obubuafoɔ no maa ne ho tɔɔ no no a, enne e se mo ne Israelfɔɔ nyinaa hunu se, saa onipa a ɔgyina ha yi, enam Yesu Kristo a ɔfiri Nasaret a mobɔɔ no asennua mu na Onyankopɔn nya-nee no firii awufɔɔ mu no tumi mu na ne ho aye no den (Asomafoɔ 4:8-10).

Honhom Kronkron no ma yɛnya anigyee wɔ yen asetena mu

Sedeɛ na tete asafomma no hyia bom bɔ mpaee no, edaa adi se, Asempa no nye kokoamdee. Na Asempa no ye adeɛ a ese se wɔne afoforo kye. Honhom no hunu nnipa a wɔntee Asempa no mmɔbɔ na ne botae nso nye kumaa bi! Onyankopɔn dɔ ewiase afanan nyinaa. Honhom Kronkron no kasa kyeree asafo no wɔ Antioch: Na eberɛ aso se, wɔyi Paul ne Barnabas ma wɔkɔ ewiase kɔka nsempa no.

Enne yi, Honhom no ahokeka sononko ama asafo no din ahyeta bio.

Eberɛ a asafo ahodoɔ a wɔwɔ Europe, Scandinavia, USA ne Canada ntumi nkɔ wɔn anim wɔ nsempaka

mu no, na Onyankopɔn nam ne Honhom no so apagya asafo a ɛwɔ Latin America, Africa ne Asia no.

Honhom Kronkron no ma yenya ahummɔboro ma ahiafoɔ

Ɔbere a Yesu hyɛɛ ne badwam nsempaka aseɛ no, ɔkasa faa hia a ɛho hia se yehwe ahiafoɔ ho. *Awurade Honhom wɔ me so, na wɔayi me se memmeka asempa nkyere ahiafoɔ. Na menka nkyere wɔn a wɔwɔ nnommum mu se, wɔbenya ahofadie, na anifrafoɔ ahunu adeɛ ama wɔn a wɔbu wɔn animtiaa nso anya animuonyam* (Luka 4:18).

Onyankopɔn ne ohiani bammɔfoɔ. Apam Dada no mu nyinaa no, adiyifoɔ no hyɛɛ nnipa no nkuran se wɔnnɔ atentenenee na afei nso, wɔnhwe ahiafoɔ. Saa asem korɔ yi ara na Yesu nso kaeɛ.

Ɛnne mmere yi, ɛye a na yedwene se, se yebeye biribi ama obi a, gye se yene onii korɔ no wɔ ɔsom korɔ mu ansa na yeaye. Yei nye nokore korakorakora ɛfiri se, asem a eka se, yenhwe ahiafoɔ no, baa ewiase yi mu no, adi mfee bebɔro mpensa (3,000)! Ɛfiri Onyankopɔn Asem mu na ebaeɛ.

Onyankopɔn honhom rehye n'asomfoɔ den resoma wɔn se wɔnkɔ ka Asempa no, ɔsan hye wɔn se, wɔkɔ a, wɔnhwe ahiafoɔ nso.

Asempa no ka hwe a ɛho hia se yehwe nnyanka ne mmaa akunafoɔ ho asem wɔ ewiase afanan nyinaa. Mmere a atwam no mu, mmeaeɛ ahodoɔ a Onyankopɔn Honhom no dii nsempakafoɔ anim de wɔn kɔee nyinaa no, wɔsisii sukuu adan, ayaresabea akɛsee ne nketewa wɔ ho.

Honhom Kronkron no ma yenya ɔɔ amapa ma yen-ho yen-ho

Enna fam se wobetumi ada ɔɔ adi akyerɛ nnipa nyinaa efiri se, eye a na yennim ekwan a yebefa so ne nnipa binom adi nkitaho. Nanso, Honhom Kronkron no ahye yen bɔ se ɔde ne dɔ bema yen, na ama yeatumi ada ɔɔ adi akyerɛ nnipa biara a yene no benya nkita-hodie. Eduru bere bi a, eye a na ɔhaw bi tumi ba a afo-tuo ne kasakyere ntumi nsi ano, nanso Onyankopɔn Honhom a eye ɔɔ no, siesie nnipa ntam bio.

Honhom Kronkron no dwumadie de yen kɔ ɔsɔretia ne ɔtan mu

Woma Onyame Honhom Kronkron no de wo ye adwuma a, etumi ma wonya ɔsɔretia. Na wɔse Paul ani so ye hatuhatu san ye ogyimfoɔ. Amrado Festus a Paul gyinaa n'anim dii n'adansee no teaa mu se, "Paul, w'adwen nye adwuma!" Ewom se, na tete Akristofoɔ no ka wɔn ho bom wɔ ɔɔ mu nanso enam ateetee nti, na wɔn ntam atete pa ara.

Wone atamfo bedi asie pa ara. One botrobodwofoɔ nni asem biara. Omfa wɔn asem nye hwee. Na mmom, se wope se woka Awurade asem dee a, ɔbɛfa akwan-nuasa so ama woahwe ase.

Nsɔhwe bi a w'ani nna so beba w'akwan mu. Wone wo nipadua bedi asie wɔ wo mu—akɔnnɔ bɔne, ewiase afɛfɛdee ne ahomasoɔ. Nanso, se woko tia ɔtamfo no a, ɔbedwane.

Honhom Kronkron no ma yenya gyidie ne anidasoɔ amapa

Nnipa binom adwen ye wɔn sɛ, asafo no mu ye beaee a anigyee ne ahosepe biara nni. Mpo na asafo a wɔatu mpon no ye saa da biara. Na “Kwasiada a ereba yi nso, yebekɔ akɔsom te se dee da biara yeye no no” ye ekwan a wɔfa so de asafo no dwumadie ahodoɔ a ewɔ nnawɔtwe no mu to dwa. Nanso, na ente saa wɔ tete asafo no mu. Na wɔde anigyee hyia da biara. *Asomafoɔ no yee anwanwadee ahodoɔ bebreɛ maa obiara a ɔhunuie no ho dwirii no* (Asomafoɔ 2:43).

Mewɔ adamfoɔ bi a ɔhwe asafo bi so wɔ kuro kesee bi mu. Nnipa mpempem tumi to santen kyere yie wɔ bere a wɔrekɔ ne Benada anadwo mpaebɔ no bi! Aden ntira? Efiri sɛ, wɔahunu sɛ, Onyankopɔn ba hɔ ma wɔn gyidie mu dɔ! Wɔn ani da kwan sɛ, Onyankopɔn bepe nneema a ekɔ so wɔ wɔn abrabɔ mu no pomasibere. Na ɔye nso!

Ma Honhom no nnyae anidasoɔ ne gyidie mu mmra w’abrabɔ mu. Ɔpe sɛ ɔda ne ho adi wɔ w’abrabɔ mu da biara enna w’asafo mu nso ebere biara a mobehyia mu! Ɔnye Onyame hunu bi keke na mmom ɔye Onyame a ɔda mu fua.

Honhom Kronkron no ma nkwa mmorosɔɔ

Yesu kaa sɛ, *Me dee, maba, sedee ebeye a mobenya nkwa a eho nni asem biara* (Yohane 10:10). Ɔkasa asekyere ahodoɔ no bi nso ka no sɛ, nkwa mmorosɔɔ. Enti wobɛtumi aka sɛ, wo honhom mu nkwa dɔɔso, esom bo, na ebunkam tumi ahodoɔ so? Eno na ɔpe se ɔye ma yen nyinaa no.

Wobanya Onyankopɔn mu asomdwoeɛ a eboro nneema ahodoɔ a wordewennwene ho no nyinaa so mpo Aane, se obi kasa tia wo mpo a, erenha wo. Biribiara nni ho a ebetumi afiri abɔnten abɛko atia ne nkwa a ete wo mu no.

Ɛkwan bɛn so na yɛbɛfa ahunu Honhom Kronkron no wɔ yɛn abrabɔ mu?

Eberɛ tenten bɛn na ɛse se meye Kristoni ansa na mahunu Honhom Kronkron wɔ m'abrabɔ mu? Mfee aduasa, mfee mmiensa, nnɔnhwereɛ mmiensa anaa simmasin mmiensa?

Deɛ ɛdi kan no, ɛse se yɛkae se, yɛrentumi nnya nkwayee wɔ bere a Honhom Kronkron no nni dwuma wɔ yɛn mu. Eyɛ ɔno na ɔhunu yɛn bɔne na ɔbua yɛn atɛn. Eyɛ ɔno na ɔbue yɛn adwen ne yɛn akoma mu ma yɛte Yesu wuo ne ne sɔree no so nsunsuansoo ase. Enam ne so na adom no ye adwuma ma bɔnefakye tumi di mu, yei asekyere ne se, Yesu gyina yɛn nanmu fa yɛn bɔne ahodoɔ no, enna enye se ɔde yɛn abrabɔ bɔne a atwam no nko ara na ɛkye yɛn, na mmom, ɔsan nso da ne ho adi pefee wɔ yɛn abrabɔ mu na wama yɛn daa nkwa ho bɔhyɛ no.

Eberɛ a ɔsom mu animdefoɔ binom ka se Honhom no nnwuma no nyinaa ne deɛ yeaka ho asem wɔ soro ho no, ebinom nso ka no denden so se “nhyira a eto so mmienu wɔ ho.” M'ankasa me, Lars B. Dunberg, gye di se, Onyankopɔn wɔ nhyira boro mmienu! Ɔwo nhyira bebɔro ɔha ne mmienu (102)!

Twerɛsem no nyinaa mu biara nni ho a ɛka se, nkwayeda no nko ara mu na Honhom Kronkron no beyɛ adwuma. Se wohwe Asomafoɔ Nwoma no ti 19

hɔ a, Paul bisaa agyidifoɔ a wɔwɔ Efeso no sɛ, *Mo nsa kaa Honhom Kronkron no wɔ eberɛ a mogye diie no?*

Asomafoɔ 8 hɔ nso, Onyankopɔn faa Philip nsem-paka no so kekaa ne ho wɔ Samaria. Asomafoɔ no firii Jerusalem kɔɔ Samaria de wɔn ankasa ani kɔhwɛ bi. *Eberɛ a asomafoɔ no duruu hɔ no, wɔbɔɔ mpaeɛ maa wɔn sedee ebeye a wɔbenya Honhom Kronkron no efiri sɛ, saa berɛ no, na Honhom Kronkron no nnya mmaa wɔn mu biara so.*

Sedee Honhom Kronkron no ba amonom wɔ bere a agyidifoɔ renya nkwagyee no, Onyankopɔn nso kɔ so ara de ne Honhom Kronkron hye yen ma. Eberɛ korɔ no a ɔrehye yen nkuran sɛ Honhom no nhye yen ma no kyere sɛ, saa berɛ no ara mu na dwumadie no reko soɔ.

Fa gyidie bisa Onyankopɔn

Enti, fa gyidie sɛ Onyankopɔn sɛ, da biara, ɔmfa ne Honhom Kronkron no nhye wo ma. San hwɛ w'abrabo mu hwɛ sɛ, woaye asoɔden bi a. Aden ntira? Efiri sɛ, eberɛ a Peter gyinaa Jewfoɔ mpanimfoɔ atwotwowuro no anim no, sedee wɔaka no wɔ Asomafoɔ 5:32 no, ɔsee wɔn sɛ, *Yene Honhom Kronkron a eye akyedee a Awurade de ma wɔn a wɔtie no no di yei ho adanseɛ.*

Bɔ mpaeɛ

Bɔ mpaeɛ sɛ ebɔ ahodoɔ a Onyankopɔn ahye wo no, ɔnye ne nyinaa mma wo. Sen na woresi pere sɛ Onyankopɔn mmra w'abrabo mu? Wokae onipa no a ne fipamfoɔ bi kɔɔ ne hɔ kɔsrɛɛ no paanoɔ no no? Odesrefoɔ no annyae asɛ no kɔsi sɛ ne fipamfoɔ no de dee na ɔregyee no maa no. Eberɛ a Yesu kɔɔ ɔsoro

ahemman mu wɔ ne wuo no akyire no, asuafoɔ a na wɔdi kan no hyia bɔɔ mpaeɛ twenee bɔ a Yesu hyee wɔn no. *Mma mommfiri Jerusalem nkɔ, montwen akyedee a M'agya hyee mo ho bɔ no.* Bɔ mpaeɛ na hwe ekwan sɛ Onyankopɔn bedi dwuma wɔ w'abrabo mu.

Adee baako nso ne sɛ: sɛ wobisa biribi firi ne ho a, eremma no sedee anka wosi pɛ no no ara pepɛpɛ! Onyankopɔn nye obi a wotumi ka kyerɛ no sɛ, maye sei anaa sɛɛ ama wo enti ese sɛ, wo nso woma me sei anaa sɛɛ.

Ɔye Onyankopɔn. Ɖbedi dwuma wɔ w'abrabo mu sedee ɔpɛ biara. Enna Honhom Kronkron no nye ahwiedee bi a sɛ wokyinkyim wo ho wɔ ekwan bi so anaase woakeka kokoamsem a akwankyerɛ da ho bi a na apu aba. Na mmom, Honhom no na ɔye Nkwa Nsuo a ɔbefiri w'akoma mu apue aba. Sɛ Yesu ka sɛ, Nkwa Nsuo a, na edeen na ɔrepe akyere?

Yesu kaa saa asem yi faa Honhom Kronkron a wɔn a wɔgyee no diie no nsa beka no ho (Yohane 7:39).

Onyankopɔn pɛ sɛ ɔde dee eye papa na ema wo

Onyankopɔn pɛ ne sɛ ɔde adee a eye papa ma wo. Yesu kaa sɛ, *Na sɛ mo a moye nnebɔneyefoɔ mpo nim sedee moma mo mma nnepa a, ebeye den na mo Agya a ɔwɔ ɔsoro no remfa Honhom Kronkron no mma wɔn a wɔbisa no no (Luka 11:13)!*

Me mpaebo ne sɛ, saa asem a Yesu aka yi bema woanya ɔrepa no sɛ wobehunu nneema pii afa ɔboafoɔ a wɔahye ne ho bɔ yi ho ne titire, ne nipaban ne ne nneema a ɔye. Ebia, yeбетumi mpo ahyia no animono so sedee tete agyidifoɔ no hyiaa no no ara pepɛpɛ.

Honhom Kronkron no de nnipahunu biara ye adwuma

Kane asafo no de mmarima ne mmaa a na wonye sononko biara na na eye adwuma. Na emu akannifoɔ no ye apofofoɔ ne togyefoɔ a wode hu dwanee wɔ bere a wokyeree Yesu a na anka saa bere no, na ohia wɔn ho mmoa pa ara no. Na wonye akokoɔdufoɔ ne nokwafoɔ. Nokorem, na wɔnni gyidie ne akokoɔduro. Wɔn deɛ, na anidasoɔ biara nni wɔn mu se wɔbetumi abeye Kristosom mu akannifoɔ.

Asomafoɔ 2 mu no, eberɛ a Honhom Kronkron no hwie guie no, eye saa nnipahunu korɔ yi ara na, amonom ho ara, wɔsakrae no. Na wɔnam akokoɔduro ne gyidie so sesaa Jerusalem, na awieeɛ no, wɔmaa nsakrae baa ewiase afaɔnan nyinaa.

Na enye se wɔaya osom mu nteteeɛ bi nti na emaa wɔtumi yee saa adwuma no efiri se, osom mu nteteeɛ mpo deɛ, na wɔnni kapreba mpo. Na wɔntumi nkyekye Apam Foforo bi efiri se, saa bere no mpo na wɔntwereɛ Apam Foforo no. Na enye se wɔye asikafoɔ anaase wɔwɔ mfidie akeseɛ a wode bo nnwom wɔ asafo no mu. Na wɔye, sebe, ahiafoɔ a na wɔnni asoredan mpo.

Na Jewfoɔ osom mu akannifoɔ no di wɔn ho few efiri se, na wɔhunu wɔn se wɔn ho nte enna afei nso, wɔnni nimdee biara enna wɔnni akadeɛ a eso ani biara nso. Enna na asraafodɔm a atwa wɔn ho ahyia no nso hunu wɔn se, wɔye basabasayefoɔ nwanwasoɔ bi.

Adee baako pe a na wɔwɔ ara ye Honhom Kronkron tumi no. Yesu ka kyeree wɔn se, adeɛ nyinaa mu no, wɔmfa wɔn ho nto Honhom Kronkron no so. Na kane agyidifoɔ no nim, se Kristosom a Honhom Kronkron nni mu ye abraɔ gyan na saa ara na asem no tee wɔ enne mmere yi Kristosom mu.

ADESUA NE NNWENNWENEHO NSEMISA

- Hwan ne Honhom Kronkron no?
- Esu a eɗa adi wɔ ne ho no bi ne deɛ eɔ he?
- Nsenkyerenneɛ bebree na yede gyina hɔ ma Honhom Kronkron no wɔ Twere Kronkron no mu. Emu deɛ eɔ he na wokaɛɛ?
- Edeɛn na Honhom Kronkron no ye wɔ yen abra-bɔ mu?
- Edeɛn na eye Honhom Kronkron no aba?

- Edeɛn na eye Honhom Kronkron no adom akyedeɛ no?
- Se Yesu gye wo nkwa a, ɔsan de ne Honhom Kronkron no hye wo ma. Na ne Honhom Kronkron no hye wo nso wo ma da biara anaa?
- W'ani abere a worehwehwe Onyankopɔn?
- Honhom Kronkron no de nnipa sononko bi na eye adwuma anaaɛ, ɔbetumi de nnipahunu biara nso aye adwuma?